

Le Qour'aan mobile**Part 1**

Kikene fine dimane Hazrat Aisha ؓ a propos l'habitude et comportement Nabi ﷺ. Hazrat Aisha ؓ fine repone ki Nabi ﷺ so comportement c'était Qour'aan-e-Kareem. C'est-à-dire le Qour'aan-e-Kareem ki nou ena en forme écrite c'est le Qour'aan en théorie. Quant à Qour'aan pratique et mobile c'était Nabi ﷺ. La pratique de Nabi ﷺ c'est ça même ki nou qualifié li de sounnah. Le sounnah de Nabi ﷺ li garantie l'interprétation correcte et authentique de Qour'aan-e-Kareem en pratique. C'est acoze ça même but ki Allah Ta'ala fine envoie nou bien-aimé Nabi ﷺ.

"... Et Nou fine révèle vers ou 'Az-Zikr' (Qour'aan-e-Kareem) afin ki ou explique dimoune ceki fine être révélé vers zotte ..." (V44/S16)

Nabi ﷺ fine reste ene tigit le temps même lors ça la terre-là mais so oummat pou continué vini ziska Qiyaamat. Banne oummati ki fine vine après Nabi ﷺ so wafaat zotte aussi bizin ça explication ki Nabi ﷺ fine donné a propos Qour'aan-e-Kareem. Ça li dimane ki ça explication-là li continué reste préservé ziska Qiyaamat ki pou ranne possible la mise en pratique de Qour'aan-e-Kareem. Explication ki Nabi ﷺ fine donné pou Qour'aan-e-Kareem par so parole, so pratique et so l'approbation fine être présenté par l'oummah de génération en génération. Ça tache et responsabilité de préservation-là fine rassurée par ene groupe ki reconnaite par "Mouhadditheen" (savants de hadice).

Travail ki banne Mouhadditheen fine faire, fine permette l'oummah gagne l'explication de Qour'aan-e-Kareem en forme de sounnah de Nabi ﷺ. Ça montré ki le sounnah de Nabi ﷺ fine toujours marche cote à cote avec Qour'aan-e-Kareem et ça fine aide l'oummah pratique Deen couma bizin.

Qour'aan-e-Kareem dire nou faire namaz mais li pas mentionne le nombre de rakaat ni le nombre de namaz ki bizin faire. Coumsa même li ordonne nou pou donne zakaat mais ici aussi li pas rente dans les détails. Similairement nou fine gagne l'ordre pou faire hajj mais là-dans aussi li pas dire quand et couma bizin faire li.

Ça banne détails-là nou gagne zotte dans sounnah de Nabi ﷺ. Allah Ta'ala fine donne nou ene Deen complète ki nou bizin amène dans nou dans so forme complète. Ça Deen-là pou vine dans nou dans so forme complète seulement quand nou comprend et applique Qour'aan-e-Kareem à la lumière sounnah de Nabi ﷺ.

Allah Ta'ala fine faire ene façon ki fine ena groupe ki fine donne zotte corps et âme pou interprète et explique sounnah de Nabi ﷺ. Ça groupe-là li reconnaite par banne Fouqaha (juristes).

Halal Info

KFC, Mc Donald, Debonair's, Panarotti, Pizza Hut, El Mondo, Nando's, Sen & Ken, Steers, Gloria Fast Food, perna certificat Halaal de JUM.

**JAMIAT-UL-ULAMA DE MAURICE**

Cnr. Penang & Sumatra Street, Port Louis, Mauritius,
Tel: 240-0439 / <http://www.jamiat-ul-ulama.org>
Emails: jamiat@intnet.mu / jamiathalal@myt.mu

